

COMUNICATO n. 2241 del 19/08/2021

Traduzione in cimbrio

A pintom zbisnen Trentino Digitale un dar Konsòrtzio von Kamöünder zo didjitalizara un vornaügarn di lånt emtar

Dar Konsòrtzio von trentinar Kamöünder un Trentino Digitale hãm untarschribet atz 11 von snitt a stòrega pintom zo didjitalizara un zo vornaügra da lånt öffentlesche Vüarom. Di zboa gesellschaft bartn arbatn pittnãndar durch an arbat nèt看 zo didjitalizara, zo vornaügra un zo bèksla di kamöünder un auzzobetra dienst vodar naüing djeneratziong vor di pürgar un vor di firme. Di pintom gitt zuar in Konsòrtzio von kamöünder in ruolo zo reda un zo lega panãndar di lånt vüarom, Trentino Digitale anvétze bart machan un nãstian garade sèlbart alln in dienstun, asó in arbatn von 166 lånt vüarom. Di arbatn bartn soìn atz ettlane: von sistèm aftz bia z'zala aftz auzlazzan zertifikètt atz didjitalizarn di protzedürn.

Di zboa gsellschaft soìn sa drã häüt z'arbata pittar Provìntz drinn in natzionàl Font vor di vornaügarom zo geba alln in Kamöünder un alln daz mearaste gelaich in da gãntz Provìntz dienst vor di pürgar boda mang khemmen genützt durch SPID un pittar APP IO un pinn sistèm z'zala Pa.

Dar akòrd untarschribet haltet inn o an åndra bichtega näüge, da sèll auzolega an spetzifegen sektor in Trentino Digitale gehoazt "Azioni Enti Locali" boda iz lai gãntz augelekk vor di kamöünder boda nã in sèll boda iz auzgemcht von kontratt nèt看 bart hãm zboa setz ka Tria: ummadar ka Trentino Digitale un dar åndar kan Konsòrtzio von Kamöünder.

Dar näüge sektor bart soìn dar referènt punkt vor alle di progrèmm un vor alle di arbatn boda ågian da tèknologesche vornaügom un di didjitalizatziong von trentinar Kamöünder.

Di struktur bart någian in sèll boda bart auzmachan dar vüarar Komitatt boda bart gem an operatìf un stretegesche schütz in Kamöünder afte di tème vodar didjitalizatziong, vornaügarom un bèkslom zo riva afte ziln un zbindn vodar Didjitàl Agenda un darzuar – khinta khött in akòrd – machan di sèlln haup sachandarn von Plãn vor drai djar vor di informatika in da Öffentlesche vüarom 2020-2022.

Dar sektor augelekk vor di Kamöünder bart auzmachan bele 'z bartn soìn di arbatn, un di dienst vürzovüara in protzèss vodar didjitàl bèkslom von lånt emtar.

Bele aree un bia 'z barta arbatn di pintom iz besteteget von provitziàl Asesoràtt Vürzotrag di Ekonomì, boda khütt ke Trentino Digitale un dar Konsòrtzio von Kamöünder bartn monitoràrn aulesan un gem vèrt in sèll boden impaitn un hãm mångl di Kamöünder azpe didjitàl dienst un nãzohelva atz ditza vor se sèlbart un vor di lentar.

Da strategesche pintom bart vüarn zo haba prodjèkte un näige dienst pittnândar, pittnândar pittar Provìntz vo Tria; darzuar in vèrt boda khint gètt in kompetenzan un in ruolo von Konsòrtzio von kamöünder un vo Trentino Digitale, un vor earst vor di sèlln sachandarnzo macha pittnândar pinn vüarom un pinn Toalkamöünder.

In setz von Konsòrtzio von kamöünder barta khemmen inngerichtet a “Informatif Schaltarle” azpe referént punkt vo daz sèll boda khint gevorst übar dar didjitalizatziong un daz sèll boda khint getânt in di lentar.

Di zboa gesèllschaft bartn mochan darkhennen un machan a mappa von web dienst schètzante di qualitét un bisa gian guat vor di lentar, ma daz earst vo allz bartma arbatn auzolega un vürzovüra didjitàln dienst un app. Un abezolirna di laüt boda arbatn in di Kamöünder.

Trentino Digitale un Konsòrtzio von kamöünder bartn sicharn vürzotruga vor alle genoatn di gelaichegen stratedjì, stianante nâmp in Kamöünder zo zornira bele teknolodjian zo nütza un bia zo nemma toal atz provintziàl un natzionàl initziativan, drinn in di stratedjian vodar didjital bèkslom vodar autonome Provìntz vo Tria.

Di zboa gesèllschaft sa häüt soìn drâ z’arbata pittnândar pittar Provìntz, nå inar natzionàl initziatif vor da didjital bèkslom, auzolega un auzzogeba, in alln in Kamöünder, a zen näige didjital dienst, vor alle gelaich in da gântz Provìntz, vor di pürgan.

Übarsetzt von Schaltarle vor di zung von Toalkamou vodar Zimbar Hoachebene

(Traduzione a cura dello Sportello linguistico della Magnifica Comunità degli Altipiani Cimbri)

(cdt)